

Transkription von Stadtbucheintrag HRO 1447a

Ort, Datierung: Rostock, 1447-??-??

Signatur: Stadtarchiv Rostock, Liber proscriptorum Nr. 222, Bl. 45b (1.1.3.1 - 3.1.222) [\[online\]](#)

Inhalt: Rat der Stadt Rostock: Rechtseinträge

I447-02-05

Anno d(o)m(ini) M CCCC xlvij ffe(ria) prima In vigi(li)a s(anc)ta dorothea wart peter / ernst de basimer vor dat recht bracht also he sik sulue(n) henger hadde / Ordel vn(de) recht gaff me(n) schal ene graben vppet velt vn(de) oft me(n) Iemende aff / vresschen ofte vraghen konde de dar vm(me) Rad ofte daet mede hat heft / also he is kome(n) van deme leue(n)de tome dode se scholen vnuorsumet / wesen Jn alle ereme rechte /

I447-03-12

Anno d(o)m(ini) Millesimo CCCC xlvij ffe(ria) prima an(te) letare wart dot vor / gherichte bracht Clawes hesse also em hinrik brome hadde an ghe/wracht in blot vn(de) blaw vn(de) ene(n) benbroke dar he is mede kome(n) va(m)me / leuende tome dode /

I447-03-31

Anno d(o)m(ini) M CCCC xlvij ffe(ria) sex(ta) an(te) d(o)m(ini)ca palmar(um) wart vor/vestet hinrik brome also he hadde an gewracht Clawes hessen dre / blot vn(de) blaw vn(de) ene(n) benbroke dar he mede is kome(n) va(m)me leuende tome / dode dar he sik in ene vorvlucht vm(m)e geue(n) heft vn(de) is dar vm(m)e eschet / Jn dat recht to dren tiden vn(de) is ne to antworde kome(n) dar he is vm(m)e / vredelos vm(m)e lecht in desseme rechte vn(de) jn alleme lubesche(n) rechte / ordel vn(de) recht gaff oft des sulue(n) hessen vrunt ofte der stat denre / ene wor an queme(n) vn(de) wolden ene tonen myt rechte vn(de) wolde he / sik nicht wolde¹ tonen late(n) wurde he dar vm(m)e wundet ofte dot ge/slagen de Jenne(n) de id deden droste dar /

I447

Anno d(o)m(ini) M CCCC xlvij ffe(ria) quinta wart dot vor gerichte bracht petr / Redingh also em hans gylowe hadde en gewracht eyen blot vn(de) blaw vn(de) ene / vullenkome(ne) wunden dar he mede is kome(n) va(m)me leue(n)de tome dode /

¹ durchgestrichen